



Вазирликнинг 2021 йил “3” май даги
208 -сон буйруғига 16-илова

**“Интеллектуал ўйинлар” ҳафталиги доирасида
“Тил билимдонлари” онлайн интеллектуал ўйини
НИЗОМИ**

I. Умумий қондалар

1. Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 17-бандида белгиланган вазифалар ижросини таъминлаш мақсадида ташкил этилади.

2. Ўзбек тили мустақил давлатимизнинг байроғи, герби, мадҳияси ва қонун йўли билан ҳимоя қилинадиган муқаддас рамз бўлгани учун талабалар ўртасида “Интеллектуал ўйинлар” ҳафталиги доирасида “Тил билимдонлари” онлайн интеллектуал ўйинида олий таълим муассасаларида таҳсил олаётган талабалар иштирок этади.

3. Танловнинг олий таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

II. Танловнинг мақсади ва вазифалари

4. “Тил билимдонлари” онлайн интеллектуал ўйинини ўтказишдан мақсад:

Ўзбекистонда давлат тилини кенг тарғиб этиш ва ўзбек тилининг давлат тили сифатидаги нуфузини ошириш ҳамда мамалакатимизда ёшларни ўзбек тили ва жаҳон адабиётини талаба-ёшлар ўртасида ўқитишни такомиллаштириш, она тилининг энг улуғ қадрияти, миллийлиги, юксак маънавиятимизнинг асоси эканлигини тушунтириш, шунингдек, китоб ўқишга бўлган қизиқишларини янада ошириш, аҳоли ҳамда ёшларнинг дунёқараши, сўз бойлигини кенгайтириш, ватанпарварлиги, ижтимоий фаоллиги ва миллат тақдирига дахлдорлигини ошириш, китобхонлик маданияти, саводхонлигини такомиллаштириш, ўз она тилимизда имло қоидаларига амал қилган ҳолда тўғри ёзиш кўникмаларини шакллантириш, қолаверса, талаба-ёшларнинг тил билимларини янада мукаммаллаштиришдан иборат.

III. Танловни ўтказиш босқичи ва муддатлари

5. “Тил билимдонлари” кўрик-танлови икки босқичда ўтказилади.

Биринчи босқич - олий таълим муассасаси миқёсида факультетлараро 2 октябрдан 8 октябрь кунигача ўтказилади.

Иккинчи босқич (якуний) – республика олий таълим муассасалари ҳолиблари ўртасида жорий йил 20 -28 октябрь кунигача ўтказилади.

IV. Танловни ташкил этиш ва ўтказиш

6. Танловнинг биринчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар ҳайъати тузилади.

7. Танловнинг иккинчи босқичини ташкил этиш ва ўтказиш Олий ва ўрта махсус таълим вазирлиги қошида ташкил этилган ташкилий қўмита томонидан амалга оширилади. Танловнинг

якуний босқиччи ғолибларини аниқлаш бўйича Ҳакамлар ҳайъати тузилади ва ҳайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

8. Танловда ҳар бир иштирокчи ўзбек тили имлосига оид 1 та саволни 4 та жавоб варианты билан бирга тест шаклида @Til bilimdoni манзилига ўқиш, иш жойи ва исм-фамилиясини кўрсатган ҳолда юборади.

Тест қуйидаги мезонларда баҳоланади:

- а) ўзига хослик, имловий хатога йўл қўймаслик;
- б) жадидчилар даврида ўзбек миллий тилимизга бўлган эътибори;
- в) мустақиллик йилларида ўзбек тилидаги ислохотлар;
- г) технология асрида интернет тили.

9. Ҳар бир савол ва тест 2 баллик тизим асосида баҳоланади.

VI. Ҳужжатларни тақдим этиш тартиби

10. Олий таълим муассасаларида ғолиб бўлган, 1-ўринни эгаллаган талабанинг ҳужжатлари (*ОТМ Ташкилий қўмитаси баённомаси ва қарори, ғолиб бўлган талабанинг савол-жавоб ҳамда тест материаллари*)ни Республика Ташкилий қўмитасига жорий йилнинг 16 октябрь кунига қадар қуйидаги телеграм (99)-654-63-45 тақдим этади.

VII. Танлов ғолибларини тақдирлаш

11. Танловнинг биринчи босқичида юқори 1, 2, 3-ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади. Юқори ўринни эгаллаган талабаларнинг ишлари олий таълим муассасасининг ижтимоий тармоқлардаги расмий саҳифаларида ёритилади.

12. Танловнинг Республика босқичида ғолиб бўлган талабалар Олий ва ўрта махсус таълим вазирлигининг дипломлари ҳамда қуйидаги тартибда пул маблағлари билан рағбатлантирилади:

- 1-ўрин – 2 000 000 (икки миллион) сўм;
- 2-ўрин – 1 500 000 (бир миллион беш юз минг) сўм;
- 3-ўрин – 1 000 000 (бир миллион) сўм.

VIII. Якуний қондалар

13. Танлов ташкилотчиларининг Республика босқичи харажатлари – 1 000 000 (бир миллион) сўм.

14. Танловларни ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.

15. Танловнинг натижалари ОАВ томонидан ёритилади.